

Valentiner Rud

Rudenkirtag Sierning Faschingsdienstag 21.2.2023



Dia lala dia do di drie da rei	huljo di huljo hu la ri drei ho
Jetzt fång ma å – des is wåhr gibt uns scho dreißig Jåhr mitn Tånzn und min Singa <u>mechtn ma eich</u> zan locha bringa drei Jahr haum vü vaändert unsa Text is gegendert drum wern ma jetzt beginnen liabe Tånzherrn und Innen	Schlimm is in Afganistan mit de Taliban Frauen san dort nix wert werdn total eingesperrt Gott sei Dånk in unserm Lånd gleichberechtigt ålle sand åba Vorsicht meine Damen den Landler singan d`Mauna - Amen
Waun i amoi heirat wanns Weib net dahoam is	daun nimm i mas aus bin i Herr im Haus
Steyrs blauer Vizeburgamoasta wiss man net wira hoaßta Verschwörungstheoretiker hoit a gern nach Steyr her <u>Coronaspaziergänger</u> san so fit brauchn keine Impfung nit den Schas bericht genau va gånz rechts da RTV	Handy Nåchricht hin und her måcht des Lebm für månche schwer Politika san so dumm <u>schreibm ois mit</u> Whats App herum untersuacht wird des taun im Auschuß der bringt går nix zaum umso greßa d`Gaunerie in Sobotka is einerlei
Da Sobotka Wolfgang Goldener Flügel	geht in d Ewigkeit ein und Heiligenschein!
Seit Corona wiss ma eh vorbei is min Kirchagehn Radio und Fernsehmessn nebnbei kånnt Zeitung lesn <u>brauchst net haum</u> a schlechts Gewissn kånnt dazua drei Bier geniessn Gottes Segn kriegst du a auf da Couch im Pyjama	Meine Damen, meine Herrn Sorgn macht des Wirtshaussterbm hoffmas gibt's heit wås zan Essn sunst kånnt in Kirta da vagesn zwoa Jahr Pandemie schwårz ausgschenkt - Ende nie Corona Hilfen zugeschossn wegen Reichtum wird geschlossn

Tri ei hops drei ho hops di jalala dje hul ji	dri ei hul jo tri hul de Alm
In Valentin des wißts jo schon wü Amazon jetzt groß herbaun Kronstorf håt des åbgewehrt da schwårze Peda uns jetzt ghert da Bischof, Ennsdorf und Amstettn tan recht fest dagegn redn san Millionen drin für d`reichn Baun aus Valentin	Da Herrgott uns als Mensch erschåffn der Schönheitswahn macht vü zan Åffn lauta Zombis umma schwirrn wohin soi des nu führn des Botox gspritzt in Lippn und Brust schaut schreckli aus - vageht da d`Lust tuat ban sitzn ganz sche weh de aufgespritzte Arschbacke
Wegn was gibt's mehr Frauen ja weil hålt de Schönheit	unta de Leit vü bessa gedeiht
Notstomaggreat muaßt kaufn Klopapier an gånzn Haufn Wåsservorråt, Reis und Mõh und 20 Lita Bonaöl Kurbiradio zan losn und Reserve Unterhosn Stromausfåll brauchts net fiachtn schnakslts eh net ba da Liachtn	Auf da Erdn wird's uns zhoab Klimawandl jeda woab große Winterhitzewelle da Schnee schmüzt auf der Stelle die Aktivistn zoagns uns auf klebm se auf Büder drauf Frau Holle kauns net schneibn låssn sie pickt a scho auf da Stråßn
Is da Summa koit und wårn is da Summa trockn und nass	da Bauer jammert Gott erbårm mocht s jammern nu mehr Spass
Kulturelle Aneignung derf ma jetzt nimma tun Mohr im Hemd hoabst Schokokuchn Winnetou is varufn Zigeiner kemman nimma mehr de Messer wetzt a ånderer ba de heiling drei Kini da Schwarze föht - i glaub jetzt spinni	D Volkskultur in unserm Lånd war untan Pröll guat beinånd Brauchtum, Tanz und die Tråcht wårn fürwahr - eine Pråcht doch dafür föht heit de Zeit ma redt nur drüber – obergscheit in Sierning da Rudentånz erstråhlt nu immer voller Glånz